



## SIPA UHAPSILA ČETIRI OSOBE U MEĐUNARODNOJ AKCIJI "BENELUKS"

# Izradili bombu za teroristički akt u inostranstvu!

A. ŠIŠIĆ

SARAJEVO - U okviru međunarodne policijske akcije "Beneluks", koja se provodi sa policijskim organima Holandije i Švedske, pripadnici Državne agencije za istrage i zaštitu (SIPA) u petak su uhapsili četiri osobe A.R. (36), O.A.Š. (1962), E.DŽ. (1973) i A.Š. (1975).

Kako su naveli iz SIPA, riječ je o tri državljana BiH i jednom Švedske.

Svi su uhapšeni zbog postojanja osnova sumnje da su počinili krivično djelo terorizma, a terete ih da su na području BiH po naredbi izradili eksplozivnu napravu s namjerom da je isporuču u jednu od skandinavskih zemalja, a koja je trebalo da bude korištena za izvršenje terorističkog akta!

Tri osobe su uhapšene u po-graničnom prostoru kada su spriječene u prebacivanju improvizirane eksplozivne naprave u putničkom motornom vozilu, gdje je i pronađena. Jedna osoba uhapšena je na području Sarajeva.



### **GRANICA** **Tri osobe spriječene** **u prebacivanju** **improvizovane** **eksplozivne** **naprave u vozilu**

"Navedene aktivnosti realiziraju se po naredbama Suda BiH i Tužilaštva BiH.

Prilikom rada na ovom predmetu ostvarena je uska saradnja sa pripadnicima Obavještajno-sigurnosne agencije BiH, kao i sa policijskim organima Holandije i Švedske, dok je prilikom realizacije posljednjih aktivnosti saradnja ostvarena i sa pripadnicima

MUP Republike Srpske i Granične policije BiH", saopćeno je iz SIPA.

Tokom jučerašnjeg dana svi uhapšeni sprovedeni su u službene prostorije Agencije i nad njima je izvršena kriminalistička obrada, nakon čega će, uz izvještaj o počinjenom krivičnom djelu i počinocima, biti predati Tužilaštvu BiH na dalje postupanje.

U vrijeme zaključenja ovog broja "Nezavisnih" u petak su pretresani objekti na dvije lokacije na području Sarajeva s ciljem pronalazjenja i privremenog oduzimanja predmeta koji mogu poslužiti kao dokaz u daljem postupku.